

浙江圖書館



浙江圖書館



浙江圖書館



浙江圖書館



浙江圖書館



浙江圖書館



浙江圖書館



丙戌

丁亥改李化熙巡撫陝西

戊子禁惡錢。太子太保林欽揖致

任。兵部尚書馮元颺致

在任文符填諉不能決託疾杜門上嘗陰託人賄求邊將不納故得善去

己丑

庚寅張縉彥為兵部尚書余應桂以兵部右侍郎兼右僉都御

史總督陝西三邊軍務應桂聞命飲泣陛辭曰不益兵餉臣

雖去何濟上默然發帑金五萬銀花四百銀牌二百蟒紵二

百色絹四百馬一百益欲應桂聯絡甘固延寧之兵收拾三

邊健勇相機撫勦也應桂趨起河上不進。故搃兵曹變蛟



國朝
卷八
贈太子少保廕錦衣衛指揮僉事

十一月辛卯朔前督師丁啟睿以家兵復新蔡擒偽令聞聖諭
。諭臣民助餉立功者錄之 **館**

壬辰呂大器兵復吉安府尋及廬陵吉水

癸巳張猷忠下岳州沿江設伏藏輕舟于汊港浮巨艦重載順
流下副總兵王世泰楊文富以 **圖** 千人邀之賊逆流佯走以
誘官兵爭利溯流上盡奪其貨舟重不即行賊輕舟四出圍
之步騎夾岸橫擊殺溺亡莫方國安徐懋謙合救文富世泰
僅以身免喪師二千岳州城空賊疾趨岳州不及救又陷武
昌大震撫按俱艤舟于江待東下武昌城空左良玉以前鋒
上武昌。總兵王定副總兵高傑自渭南敗各奔延安李自

成命田斌守西安自往塞上

甲午高傑聞賊耗率所部渡河而東入山西王定奔榆林。李

自入延安大會群盜馬萬匹旌旗數十里于米脂祭墓又五

百騎按行鳳翔守將誘而殲之自成怒親攻鳳翔屠之。張

猷忠命尹先民守茶陵分兵兼守岳州其餘眾悉回。長

沙

圖

乙未

丙申以王國寶為提兵鎮守河南

江

丁酉

浙

戊戌

己亥諭左良王移鎮武昌同撫按王揚基及黃澍相繼滅賊

庚子

辛丑巡撫王揚基以辰州兵二千左良玉兵一千復黃坡孝感。總督九江呂大器以安慶兵上樟樹鎮官兵分道趨老州。大器又招柯氏兵赴南昌降瑞昌德安土盜鄧毛溪携之從軍數無紀律柯兵射死鄧毛溪其黨千人仍為盜柯氏兵三千亦止千人。宥給事中郝綱摠兵許定國從余應桂以自劾。

壬寅命承天太監何志孔勞左良玉進少師蔭錦衣衛百戶賜金幣牛酒吏卒各陞秩賜二千金。高傑至絳州山西巡撫蔡懋德招之共擊賊王虎破之追至曲沃王虎降獲步騎萬人。李自成發金五萬遣辯士舒君睿招榆林諸將繼遣偽

權將軍李過率兵七萬攻之時巡撫張鳳翼未至人心洶
搃兵王定聞賊至以數十騎出塞殺言借西魯游擊列廷傑
與榆林兵備副使都任及故總兵王世顯侯世祿侯拱極左
世威副搃兵惠顯等歛各堡精銳入鎮城集眾問曰之若等
守乎降乎各言效死無二遂推尤世威為長立號令號今繕
甲兵賊說三日不聽榆林王氏固口八元戎世國世臣也兄
弟也尤世威開闢亞王而威重過之李昌齡西京勳裔如故
總兵僑居賊攻榆林城二上強弓勁弩疊射賊屍山積更發
大砲賊稍卻

浙

癸卯張猷忠復陷襄陽

甲辰李自成遣試郡縣諸生上等任六政府從事次任守令又

次任佐貳。左良玉兵復萍鄉

乙巳金之俊為兵部右侍郎何騰蛟為右僉都御史巡撫河朔

廣

館

丙午楊汝經為右僉都御史巡撫甘肅。李自成攻寧夏守將

分營逆賊三勝之殺賊王數千人

丁未設南贛兵三千以副總兵鄭鴻逵統之。巡撫順天右僉

都御史鄭瑄移鎮蕪湖。左良玉以副總兵張應元吳學禮

守九江自同馬士秀舟師入武昌搗長沙復合馬進忠以騎趨

袁州吉安迎擊其前

浙

戊申

己酉諭兵部已復驛傳今聞大吏仍自津則前節省銀安在其

察明申飭

庚戌瑞王常浩奔漢中走廣元

辛亥吏部右侍郎李建泰左副都御史方岳貢並兼東閣大學士直文淵閣。李自成歸西安檄諸路兵往寧夏關中賊聞自成敗竿子手數萬東奔高維岳潼關散入河南。選庶吉士周鍾等三十六人以吏禮部右侍郎雷躍龍周張維機教習。李棲鳳為平羌將軍提兵鎮守甘肅葛如芝為征西將軍提兵鎮守寧夏

壬子李自成復往攻寧夏。馬進忠次臨江監軍僉事嚴德光以兵來會

癸丑誅前督師范志完總督趙光祚總兵薛敏忠又選郎中吳

昌時光忤受事未幾竭貲享士與范志完縱敵同禍聞者傷
之昌時敗論贖五萬金流妻子二千里。故督師大學士吳
牲戊金齒衛。出南京各監局廢銅鑄錢

甲寅總督宣大兵部右侍郎孫晉罷晉附門戶攬權善宦出政
未久得善去。馬士秀郎啟貴楊文富王世泰等復臨相斬
四百級賊奔岳州追之偽將混天龍以步騎數千拒南岸又
輕舟數十順流下邀我士秀三分其軍且戰且行引滿交射
前將直上出賊舟後反擊之盡驅中軍圍賊殺溺幾盡南岸
賊走入城士秀乘之賊不及守突出走長沙斬四千四百四
十二人遂復岳州。偏沅巡撫李乾德總兵溫國珣屯沅州
副總兵列承胤守武岡守備曾志建守道州

乙卯馬進忠出分宜賊盡走袁州

丙辰呂大器為南京兵部右侍郎黃鳴俊為右僉都御史巡撫
浙江黃家瑞為右僉都御史督理淮陽鹽法軍餉何謙為右
僉都御史巡撫昌平。馬進忠前鋒營副總兵徐國棟常國
安杜應京叅將黑雲祥趨袁州馬進忠王允成繼進賊西遁
逐之三十里擒偽守道蘓明偽監軍李天根偽知縣王志宏
偽教諭吳良才偽中軍郭守恒斬二千八百六十五人奪
馬五百三十弓矢數萬遂復袁州

丁巳李自成攻榆林陷之白望日被圍吏卒力戰殺賊無算賊
攻益力隄旬不克賊以衝車環城穴之東南城奔崩數十丈
賊入之兵備副使襄陵都任蓋室白經餉司戶部黃岡王家

被祿殺總兵尤世威縱火焚其家百口揮刀突戰諸將各率
所部巷戰殺賊千計賊大至我矢盡刀折殺傷殆盡無一降
者賊河首倡守城者誰游擊劉廷傑勵毅曰阻降堅守者廷
傑也死無恨賊遂剮之副總兵惠顯罵賊不屈支解而死千
總馬鳴節一家自殺蓋城婦女俱自盡總兵侯世祿侯世拱
極王學書王世欽副總兵則尤翟文常懷德李登龍張發揚
朋游擊孫貴龍養崑守備白慎衡李宗叙皆廢弁也守將則
游擊傅德滿國臣李國奇晏維新陳二典劉芳馨文侯國守
備左勉惠漸賀以雷楊以偉榆林衛指揮李文焜葉顯忠李
應孝馬應舉等及千百戶數十人總兵尤世威王世國王世
臣李昌齡被執去西安四十里曰回軍店咸沐浴更衣曰將

以下見祖宗也既入挺立視天不屈自成曰吾虛上將以屈
四將軍奈何固執不與共富貴乎皆罵曰我大臣也汝草竊
且滅不久毋污我臨死歎曰我四人不早殄此賊致今日真
死有餘恨遂被害榆林為天下勁兵頻年餉絕卒窘甚而殫
義狗城志不少挫榆林既屠賊搗寧夏總兵官撫民降三邊
俱下賊無後顧長驅而東矣。李自成之赴寧夏也以精騎
守河口遣百餘騎按行閩鄉靈間寶榜示兵民又三百騎駐
陝州澠池俱置吏傳檄河南巡撫秦所式副總兵李成棟屯
孟縣河南以西皆盜屬官兵守懷慶之郭家口灘沿河列礮
上命職方主事王真卿聯絡土寨恢復中原承制招李際遇
際遇迎使者入寨

戊午撫寧侯朱國弼提督漕運鎮守淮揚

巳未

庚申李自成攻慶陽四日陷之兵備副使段復興先焚其妻子

自縊死知府董琬邑人太常寺少卿麻禧死之賊執韓王亶

春屠慶陽復興崇禎甲戌進士

十二月辛酉朔故總督丁啟睿倡義兵斬李自成偽將于扶溝

獲級七十二。真人張應京放還

壬戌張獻忠兵陷建昌

癸丑亥

浙

甲子

乙丑前大學士周延儒有罪賜死上以延儒机械欺蔽比匪營

私濫周僉人封疆貽誤勒自盡論贓十二萬許歸殯延儒字
玉繩宜興人萬歷癸丑禮闈廷對俱第一少無學行尤耽散
色性極警敏善揣人意指始比溫體仁共執政及再相頗反
溫之所為而納賄無厭往：假用人為鬻爵地時方得君不
顧外患款局敗委罪陳新甲沒其厚賂牢籠朝端敗壞國事
以致神州陸沉痛哉

圖

楊士聰曰上名雷演祚方拱乾此宜興得罪之始也迨吳
昌時廷鞠後始令催入候旨明乎罪因昌時故諸臣言昌
時么麼小臣上曰昌時是么麼彼周延儒也是么麼厥後
刑部擬罪舍昌時而專言封疆逢迎上意而致之死夫封
疆則有之矣豈宜興一人之罪且視師不過末年始終封

疆者自有其人與宜興何預及至旨出又不言封疆而言
機械罷內侍撤廠衛皆機械也此內璫所日夜文致於上
前者至此亦不覺露矣又曰館即位以來命相三四十人
其中非無賢者求其精神提繫得起惟宜興與烏程二人
但俱不軌於正耳其初入門更無少异唯宜興近和烏程
近刻其以自遂一也烏程最久不露瑕隙大意主于逢迎
其後轉相摹倣不離烏程一派雖精粗不同而其揆則一
也

談遷曰自直閣以來貴極人臣生赴市曹惟毅王愍夏文
愍兩人耳于時號酷烈旋亦前雷今我未造綸扉若為冥
塗韓城宜興相繼賜盡四年之內增恡昂軸宜興最得君

工於迎合內箝大璫外調言路謂柱支百禩可也曾未幾何覆公之餽法至不賞朝廷之元氣剝蝕不可復矣夫韓城以忤吳昌時敗宜興以昵吳昌時亦敗近之則不孫遠之則怨宣尼致戒於小人誠有以也

李自成兵攻漢中不克遂攻韓城亦不克。高傑在絳州聞賊渡河分道東走一趨吉州一出禹門戊辰至蒲州

丙寅命忻城伯趙之龍守備南京

丁卯王繼謨仍兵部右侍郎兼右僉都御史總督宣大山西軍務。張獻忠兵陷撫州南豐。巡撫廣西右僉都御史林贊免

戊辰呂大器兵復茶陵。左良玉遣子夢庚入湖廣。張獻忠

出嘉魚遣艾四以前鋒至新隄馬士英秀逆戰不利退師賊追之又敗遂去武昌

己巳命工部右侍郎周堪賡繪上河工圖

庚午

辛未

壬申

癸酉李自成至富平大掠

甲戌以兵部右侍郎張鳳翔蒙恩規避下刑部獄前衛周胤韓

文銓荐之又各坐事謫外

乙亥西域獻千里馬命五城清道試城上不果

丙子李自成兵掠韓城

浙江圖書

丁丑湖廣巡撫何騰蛟奏河南永順保靖之土司黔南銅仁黎平之土司西粵柳全之土司皆可用也臣素與其豪長游簡其往壯可得數萬依湖守險土司無遠征之憂百姓無客兵之害平賊將軍左良王臣所熟知不可不藉為犄角徐州副總兵金叡桓肝胆可用其部下劉世昌夏國基皆可與言乞加金叡桓援剿總兵銜以示鼓勵從之。諭兵部恢復承天荆襄湖廣巡撫何騰蛟會承天鄖陽各撫丞圍之又諭江督呂大器同良玉平張猷忠黔廣總督李若星沈猶龍提兵夾擊。戶部郎中沈廷揚加光祿寺少卿專海運

戊寅保定副總兵張天祿以江督呂大器標將索馬遂以數百騎叛走九江附左良玉。巡撫山西右僉都御史蔡德懋屯

平陽以歲暮還太原令裨將牛勇朱孔訓防河李自成遂勒兵渡河勇孔訓戰敗死之

己卯

館

庚辰寇至河津自舡窩東渡副總兵陳尚智走回平陽

辛巳

書

壬午以施邦曜為左副都御史。李自成攻平陽知府張璘走

太原吏民皆降殺西河王等三百餘人于東河外陳尚

智擁兵走泥原山中四掠。張猷忠自岳州渡江與馬守應

合猷忠獩甚蓋李自成西犯去楚故猷忠得橫荆岳間。仲

於陞世襲五經博士。寇破稷山河津掠絳州

癸未高傑聞平陽陷自蒲州東走恣掠遂下澤州。禮科都給

事中沈胤培乞閔憲王桂王流離之苦勅部議安之

甲申左良玉兵復臨相。寇攻安邑焚西門知府房

投井

賊曳出斬之遂圍夏縣掠垣曲。李自成陷甘州初鳳翔蘭

州開門迎賊因渡河莊浪涼州二衛降巡撫甘肅右副都御

史莆田林日瑞以副總兵郭天吉四千騎守陝州口而敗遂

圍甘州乘夜雪登城日瑞總兵馬爌副總兵郭天吉中軍哈

維新姚世儒同知蘭臺鄉官羅俊傑趙官等並死之赦居民

四萬七千餘人西寧尚堅守不下明年二月詐降殺偽官賀

錦魯文彬

彭貽孫曰賊之未定三秦也榆林寧夏兵累挫其鋒苟有

重臣提衡其間諸鎮合從以拒之賊兵既頓而晉師合高

傑之兵渡河西援勝負未可知也迨邊鎮盡隳賊無返顧之
憂則整兵東渡不待智者而知之矣恭愍德率疲卒數千
填吾門之險悉甲以拒之猶懼其茂濟乃返兵太原令陳
尚智羸師以扼平陽旆方旋而泥原之師忽潰禹門既渡
則三晉無可馮之阻矣誤封疆之而悖明詔愍德可勝誅
乎仗節死綏惜也其晚論者謂愍德忠烈有餘而應變非
所長君子不能無致憾焉

五

東陽諸生許都反都故左都御史弘綱之從孫也有嚴庠序
任俠喜交游知縣桐城姚孫渠貪虐借名備亂橫派各戶輸
金坐許都萬金都實中產勉輸數百自詣告竭孫渠大怒摘
都所刊社稿名字謂造逆反桎梏之時輸金者盈庭闕然不

平有姚生執孫槃於座答之群擁都為主巡按御史左光先
聞變調兵行勦官兵所至屠掠東陽蘭谿人各保鄉寨拒敵
官兵大敗紹興推官陳子龍謂許都不當反遣書諭之

乙酉逮江西湖西道副使岳虞變。左良玉遣副總兵盧光祖
惠登相劉洪起以步騎四萬人自九江入湖廣

丙戌左良玉遣盧光祖等復長沙湘潭湘陰

丁亥張獻忠前鋒艾四轉戰至三十六灣鋒銳甚馬進忠禦之
敗績又敗績于蒲圻

戊子張亮為右僉都御史巡撫安慶廬池太平時各督撫四十
有一開府之濫極矣。黨崇雅為戶部左侍郎總兵倉場

己丑方震孺為右僉都御史巡撫廣西。貴州鎮軍營叅將梁

胤林攻桃固山洞擒賊程繼孔。繼孔反覆擾徐邳間。胤林以除夕出不意擒之。山寨悉平。許都據浦江游擊。將來若乘除夜破之。斬三千餘人。賊大潰。都走山中。據南砦。

甲

崇禎十七年正月庚寅朔。大風霾。占曰風從乾起。主暴兵至。

城破。臣民無福。鳳陽地震。李自成偽稱大順國。改永昌元年。自成久覬尊号。懼張獻忠馬守應相結為患。既入秦。通好。獻忠獻忠厚幣。遜詞自成。遂僭号拜宋。獻策為軍師。牛金星為丞相。更定六政府。尚書一侍郎二吏。政府尚書宗企郊。戶政府尚書楊建烈。禮政府尚書鞏煇。兵政府尚書喻上猷。刑政府尚書陸之祺。工政府尚書李振毅。大封功臣。列宗敏為磁侯。田見秀為澤侯。谷英為綿侯。餘封爵有差。城固選貢。

岳中衡聞偽詔手刃偽令遂自縊死解元席增光入山不食

卒外

館

壬辰諭兵部募廢弁及草澤義勇之士。高傑潰兵破清化縣

鎮城南渡河駐覃懷

書

癸巳戶部尚書倪元璐等請以浙省鄉紳團練鄉兵浙西則推
徐石麟錢繼登佐之浙東則推劉宗周姜應甲佐之于堡伍
中簡練鄉勇實行古弓弩社法從之。前兵科都給事中曾
應遴奏今之紳富皆衣租食稅而吸百姓之髓者平日操奇
贏以愚民而獨擁其利臨事欲貧民出氣力相護無是理也
秦藩之富甲天下賊破西安府庫不下千百萬悉以資賊倘

其發以犒士未必遂至於此又聞萊陽之破以東門鄉紳張
宏德利賊之退盡追鄉民犒賞痛苦而窘迫之一家發難闔
邑罹殃敵至今宏德自捐其藏得百萬金然後闔門就戮今
之紳富亦宜鑒之略借均田之法使富者稍捐以賑貧亦救
民撥亂之策也。登萊巡撫曾纓請練鄉兵以避客兵之害
清野以保民蓋藏之資



甲午福王由崧前寇失金寶請補給

乙未諭吏部前命內外魚轉吏科都給事中吳麟徵未歷監司
不得遽陞京堂麟徵於內閣無私謁故陳演魏藻德阻之。
呂大德奉命入朝素繼咸仍提督九江。劉永承胤為提兵
鎮守武岡兼轄黎平清平。議調南遼東總兵馬科南征工

科給事中高翔漢言建人出塞未數月今遼撫黎玉田永撫
李希沆揭稱復欲內侵寧遠逼近不可示以卑弱而調兵南
征豈稱勝算將為三軍司命唐通馬科孔希貴錚有散而
馬科仍調南行三軍誰為統率乎。許都伏誅都得陳子書
率同事十三人詣杭州投獄巡按御史左光先即斬之盡隱
姚孫渠之失奏復秩。張有譽為南京戶部右侍郎兼右僉
都御史總督糧儲。貢士何綱授職方主司事練東陽義烏
兵剛上收人用將行兵三策其收人曰忠義智勇之士在浙
則東陽義烏昔時名將皆勦兵多出其地東陽生自許都天
性忠孝素裕韜畧乞今用之以勸徽婺二郡之奇才臣願以
布衣奔走聯絡悉遵戚繼光法申詳約束開導忠義歲餘可

使赴湯蹈火臣見進士姚竒胤山西貢士韓霖皆憂時有心
乞下詔徵天下豪傑則忠義智勇連袂而起矣上命諸許都
姚竒胤下部議不知許都以叛誅也

丙申以方國安為平蠻將軍提兵鎮守湖廣

丁酉

戊戌諭京師誦鄉約朔望宣聖祖六諭仍立善惡二部簿咨訪
。南傑南下江北大震提督漕運路振飛命副總兵金散桓
扼徐州周仕鳳守泗州周尔敬守清口。宣州提兵唐鈺貪
淫被劾免。左副都御史兼東閣大學士方岳貢請覈赦前
舊賊賦或官吏侵漁命限三閱月指奏
已亥王之仁為總兵鎮守浙江周之仕鳳為總兵鎮守廣東。

刑科給事中郭允言盜入閩中憂不止秦也會城之安危不
曉則督臣之趨進無方賊勢之趨向不測則河東之防禦徒
勞必偵探明白新督臣疾往如賊羽充斥勢難渡河宜從永
寧渡綏德直趨固源亦以上流御下風聞賊入時官兵劫地
方人民駭散河東防賊當不在河東而在河西今賊入閩一
月地方尚爾蒙未有不知彼而能取勝者也。定漕運官
六員各領千艘勒限竣役

庚子上聞遼民任氏奏鼓聯義勇命通政司上之。巡按山西御
史汪宗友檄副總兵熊通以千漢二百人赴河上宗友奏曰
晉河二千里平陽居其半撫臣蔡懋德不待春融冰泮十八
日自平陽反省二十日賊渡矣隨行馬步千餘宜兼程回平

陽招陳尚智叛兵檄各路防勦乃不發一兵二十八日至省
臣力言宜提一旅而前張疑殺棄桑榆之效無如不聽何賊
日選偽官匝月餘郡皆失是誰之過歟。李自成遣人投偽
牒於兵部斬之。上憂寇臨朝而嘆大學士李建泰進曰臣
晉人也頗知寇中事臣願募餉百萬治兵勦寇毋使東渡又
曰進士石隆隆願單騎走陝北連甘肅寧夏之兵外結羌部
召募忠勇勸輸義餉勦寇立功否亦內守西河扼吭延安上
悅曰卿若行朕當倣古推轂上欲用石隆建泰曰俟臣西行
酌用之

辛丑總督漕運路振飛荐淮安同知范鳴珂郡倅二十年清恬
不與請補淮徐道僉事以代何騰蛟

壬寅

癸卯

甲辰釋熊開元獄。李自成大晏功臣即席賜列侯銀一萬金五千珠一斗列伯以是為差尋自成東行以秦王存樞永壽王誼沅韓王亶眷慶王倬淮從四月殺諸王於山西

乙巳左夢庚先發九江張猷忠自岳陽渡江設偽官於江北屯

歸江岸遂棄長沙作浮橋於三江口一軍過荊州棄其舟竟以步騎數十萬上夔州。王承胤為鎮朔將軍搃兵鎮守宣府

丙午諭兵部以東山土寇出沒命撫按勦盜通餉又人心不固聞警倡逃亟行賞罰用示勸懲畿南震靈隣紫荊倒馬龍門

固關亟宜添備。工科給事中彭瑄言逆賊犯楚實由人心
惑於三年免租一民不殺之偽示耳及見撫臣李乾德懸示
免征益復踴躍倘皇上蠲詔曉諭更當何如也近傳十六十
七年寬赦如寬之十八年使賊滅後猶有餘力并竒荒赤地
通行酌免使老穉奉檄泣下非目前第一義乎武昌破時沿
江積屍千里郡縣收復原任官戴罪不敢任事必選補之臣
功名與性命較則輕決不赴任罪以規避而止何益于地方
之緩急請查陷城各官除門迎先逃外調補空地以聯絡人
心似為地要。寇入洪洞知縣吳東璧降拷掠宦室助餉前
吏科都給事中申嘉言脅二萬金猶夾死

丁未沔陽知州章曠以鄉永三千赴沔陽值賊景陵敗績失亡

千人。左良玉上武昌攻江督叛將張國柱張天福

戊申吏部奏秦寇窺渡三晉披靡賊騎到未到而城池已空偽檄

未傳而人心昏亂因議復保篤輯緝編惑急練戰誦聯絡其緝

煽惑欲委之秦中科道密察秦人在京者恐為奸復以應寇

也。副總兵熊通次靈石扼守郭家灘請濟師。總兵高傑

報寇渡河上責撫按疎防高傑既稱兵精當破賊何待大兵

四集也又命山西總兵周遇吉扼河助高傑

已酉侍郎金之俊奏收拾人心聯絡鄉勇俱從鄉紳起江南士

紳素稱好義命撫按責成。余應桂逗留兵噪奪總督聽勘

。李自成至聞喜搜捕巨室

庚戌李化熙為兵部右侍郎兼右僉都御史總督陝西三邊軍

務郭景昌為右僉都御史巡撫山西。諭戶部邊餉告急外
解不前餉臣既撤令監臣黃家瑞督催解京

辛亥葬皇貴妃田氏。召忻城伯趙之龍巡按陝西御史金毓
峒于中左門。寇陷趙城副總兵陳尚智降于李自成導之
破趙城寇所至多開門出迎結寨反拒官兵。李建泰荐布

衣羅天錦下部錄用



癸丑進陳演少保吏部尚書建極殿大學士廕中書舍人以王

三年考績。命總督鳳陽馬士英監勇衛營大監盧九德協
勦張猷忠。兵部尚書張縉彥言民壯則多人奴占役鄉勇
則虛應故事將領則皆紕袴儲備則鋒朽藥銷餉供則竒荒
大疫道殣相望豈值一方之利害而已。真定叅將李茂明

報寇陷三晉高傑縱掠河東。夜星八月中宋史云星八月
中國破君亡

甲寅

乙卯命駙馬都尉萬煒告太廟行遣將禮勅吏部右侍郎兼東
閣大學士李建泰曰代朕親征以尚方劍從事一切調度賞
罰俱不中制上臨軒授尚方劍幸正陽門樓宴餞之命文武
大臣侍坐樂作上手賜卮酒曰如朕親行建泰頓首謝上目
送之至泣下是日大風霾占曰不利行師建泰御肩輿不數
武杆折識者咎之進士程源曰說監軍曰凌嗣曰此行也兼
程抵太原收拾三晉猶可濟也若三晉失守無可為矣。諭
兵部維陽重地令漕運鹽法二臣增兵。南京地震。回：

貢馬玉：大者重三百五十斤次五十斤。兵部尚書張縉

彥駁監軍渡河之報上亦聞寇未渡河責兵部輕信

談遷曰秦隋惡聞盜賊而亡先帝嚴明不幸晚亦類之且

平陽陷久豈撫臣蔡懋德不以聞乎如以聞又何能諱也

鼓鐘於宮散聞於外覆敗同軌可為殷鑒

以工部尚書范景文禮部尚書左侍郎丘瑜並兼東閣大學

士直文淵閣

丙辰督師大學士李建泰出師都聞晉警甚家存亡未卜因徐

行日三十里至涿州兵逃三千餘人

談遷曰輔臣督師先帝時屢矣高陽天力危疆克舉其任

武陵沾：自喜綆短汲深興化逡巡不力旋同賜玦俱於

高陽媿之曲沃自請篤師志本殉國方是時逆黨渡河三
晉半陷倘即卷甲疾馳首控晉陽傳檄西塞獎率吏民慨
然同陶荊州之灑泣張睢陽之哭廟甘萬死以赴之背城
借一亦云幸也即其不幸亦有詞於天下萬世臣何負焉
而曲沃食容二之福已久冀倖意外利則為高陽非利則
為當不失為興化又何急之有日者余應桂總督陝西之
命時寧夏甘肅榆林無恙能如王剛中一日夜馳三百里
号名豪傑鼓勵義勇寇方頽其後未即東渡也國事大壞
俱用非人肉食者謀之不敢不止矣噫

丁巳諭兵部以逆猷蹂躪江楚平蕩無頽科臣左懋第察核既
竣即催各路兵馬併楚皖江沅各撫犄角進勦四面圍擊勒

即限三月內削平奏功不得逗留坐失事機事平破格封蔭
 如有遷延踰限忝來重處。高傑屯軍懷有兵三萬馬騾九
 千遣使壽州通總督鳳陽馬士英請屯其眾于徐州聽節制。
 大學士陳演請釋繫臣命刑部十日內具獄許贖。逮巡撫
 偏沅石僉都御史陳睿謨。諭戶部開採事例尚書倪元璐
 言開採非便事例准貢可暫行之從之。前兵部尚書張國
 維以蒙蔽命逮至左都御史李邦華戶部尚書倪元璐等俱
 言國維可用命仍原銜督理浙直輸餉練兵國維奏輸納事
 宜

戊午蠲南直崇禎十二年以上贖緩。馬士英以副總兵莊朝
 樑守徐州令中軍副總兵楊振宗賞金幣賚高傑安其家口

於徐州闕廟。李建泰發真定行至廣宗士紳守城不納攻
三日破之殺鄉紳王佐答知縣張宏基是日即移兵出城

已未左良玉至武昌屯金沙州

官

二月庚申朔上早朝忽得偽封其辭啟之甚其詞甚悖末云限
三月望日至順天會同館繳一時相顧失色朝罷遂不復問
。馬進忠復長沙初張獻忠引楚師日集以重舟水涸盡弃
之自荊州入夔門方國安馬進忠分道並進焚其舟遂復長
沙諸軍連營屯長沙岳州左良玉以五營追賊于沙陽距荆
州七十里。河北屯撫方孔炤奏屯壘巡按應天御史鄭崑
貞言興屯業有寔效上諭興屯求為足國裕民若未經開壘
輒議三科小民能無畏阻。逮巡按登來石僉都御史曾纓

○李自成陷蒲州知府侯君招死之汾陽知縣列必達袖罵
高傑于清化鎮陷之設偽官濟源縣人竄盡河北大震懷慶

城畫閉

館

辛酉李自成陷汾州知府侯君招死之汾陽知縣列必達袖罵
閩文被殺義勇范奇芳手刺偽都尉拔劍自刎曰吾不死於
賊之手自成以奇芳首懸於青龍駟士多吊之。懷慶府不
守福王出奔與太妃相失遂至衛輝依潞王

壬戌兵科給事中韓如愈言晉寇訛傳噫諸臣蒙欺如此。都
督僉事列有寔轉轄三関

浙

癸亥諭言官論事須明白直陳毋隱語。建江寧知縣楊文驄
文驄素貪虐去春王允成兵東下南京兵部尚書熊明遇委

文驄同都督係必進往禦輒自署南京職方主事縱卒暴掠
勒蕪湖知縣夏繼虞行屬禮繼虞不受南京右都御史張慎
言劾之至是得命未復而止。前給中事姜琛戍邊故給事
中方士亮故御史蔣拱宸故職方郎中尹民興俱杖贖時刑
部尚書張忻議贖罪曰誤殺意及於甲誤及於乙殺者可怒
死者易暝富則千金次百五金貧亦百金曰鬪殺視誤殺有
間富則千五百金次八百金貧亦三百金曰同謀共毆致死
者富必三千金次千金貧亦三百金。工部主事言李逢申
言糾貪赦罪輸餉上從之命九卿科道糾贓甚者如議。王
正志王鰲永為戶部左右侍郎鰲永總理錢鈔

甲子命益王申本歸國時避邵武也。李自成至太原自平陽

陷諸將咸遁城中奪氣

乙丑馬守應自荊州移襄陽官兵攻雲夢偽國州牧高翠堅守

不克。寇圍太原傳檄遠近曰略皆食肉紈袴而倚為腹心

宦官悉齧糠天豚而借其耳目獄囚纍：士無報禮之心征

歛重：民有偕亡之恨云云。山西巡撫蔡懋德知力不支

書遺表令監紀賈士璋間道奏京師中軍殷道時盛見之退

殺妻子誓必死後城陷同懋德縊于三立祠。諭戶部曰邊

餉甚亟外解不至皆由有司急贓罰而緩錢糧不究賞罰何

以勸懲今內責部科外責巡按痛禁完額則陞否者除名。

中書舍人張同敞言楚豫紳衿多從賊宜察諸生忠逆為教

官功罪上然之

談遷曰忠逆本於士心即教官何能為宋士習壞於王介甫新說今士習之壞自晉江李贄始相矜以權術日坑焚為救時訛廉洛為積腐宜楊雄馮道之流踵接於世也

常澄嗣襄王

丙寅陝西總督余應桂報全晉丸解上責之曰爾奉命督秦何遠奔沁澤也

圖

丁卯大風霾五色遞變閭室照之赤如血。太原陷賊夜登城巡撫山西右僉都御史崑山蔡懋德左布政使永寧趙建極兵備副使鄭州毛文炳按察僉事萊州畢拱辰等死之執晉王求桂

原注求桂俟改

戊辰勅李建泰曰今卿代朕親征鼓萍勇忠表揚忠節義獎勵

廉能選拔雄杰其驕怯逗玩之將貪酷創逃之吏妖言惑眾
之人逆誤軍情之輩當以上方劍從事一切調度賞罰俱不
中制卿宜臨事而懼好謀而勤則殲渠宥脅撫則解散投戈
早蕩妖氛旋師奏凱封侯爵晉勅諸鼎鐘須將代朕至意徧
行示諭始建泰言傾家享士及聞家破失措項畿內不前。
前摠兵劉澤清自臨清移彰德

己巳諭吏部平陽副使李士焜等七人先逃後還已經革秩著
戴罪圖功自贖

庚午徐標為兵部右侍郎摠督畿南山東河北軍務仍巡撫保
定。建人薄寧遠閔遼登水師津兵黃蜚大清。巡按河北
南御史蘓京被叛將馬奎縛于寧郭驛獻寇求賞

辛未李自成至黎城別將遁臨晉。莊朝樞守河上縱高傑渡河至徐州士民驚擾傑旋赴壽州謁馬士英。諭戶部郡縣民壯原以捍衛地方乃祇供勾緝封守何裨嚴責有司編入鄉兵寔行選練。李祖述嗣臨淮侯。停鈔法前市浙直桑穰料仍輸京師諭戶工部鑄當二當五錢。總督馬士英歸援勦搃兵高傑于徐州

圖

壬申上憂寇罪已詔曰朕嗣守洪緒十有七年深念上帝陟降之威祖宗付託之重宵旦兢惕罔敢怠荒乃者災害頻仍胡寇並急生民荼毒靡有寧居惟彼狡。罔曰天羊非我族類若此徐寇則分屬君民誼兼赤子忘累世之秦養肆廿載之克殘赦之益驕撫之無益叛坐令秦豫邱墟江楚腥穢貽羞

宗社致疾黔黎罪非朕躬誰受其責所以使民罹鋒鏑蹈水火殫量以罄骸積成邱皆朕之過也使民輸芻挽粟居送行賚加賦多無藝之征預征有稱貸之苦又朕之過也使民室如懸磬田卒污萊望烟火而無心號冷風而絕命又朕之過也使民日月告訥早潦荐至師旅所處疫癘為殃上干天地之和下叢室家之怨又朕之過也至於任大臣而不法用小臣而不廉言官首鼠而議不清武將驕懦而功不舉皆朕撫御失宜誠感未孚中夜以思跼蹐無地已寔不德人則何尤用告爾天下官吏軍民人等今朕痛加創艾深省夙愆匪涉虛文恪循寔事要在惜人才以培元氣守舊制以息紛囂行不忍之政以收人心蠲額外之科以養力民念用兵征餉原非

得已各撫按官急飭所屬有司多方勸諭毋失撫字倘有擅
加耗羨朦混私徵及濫罰淫刑立行正罪其流亡來歸除蠲
逋賦加意安插賑恤毋致失所至於罪廢諸臣有有公忠正直
廉潔幹才尚堪用者不拘文武著吏兵二部確核推用以彰
使過草澤豪傑之士有恢復一郡一邑即與世襲功等開疆
即陷沒脅從之流能舍逆反正率眾來歸准令赦罪立功能
擒斬闖猷仍予流通侯之賞嗚呼忠君愛國人有同心雪耻除
克誰無公憤尚懷祖宗之厚澤助臣底定之大功思克厥艱
歷告朕意

談遷曰輸臺之悔奉天之詔漢唐二主感動海內克光大
業而先帝末歲倦、翻然下尺一昭如日月當其時民莫

苦於重征率空言無指實朝廷好負人亟則引咎緩則反汗愚夫習而知之故耳目頑錮如初也倘即減今歲田租之半躬閱內府盡出其所有金幣珠玉毋少靳明示吏民以充祿餉誅一二掊克之吏銳意更始而吏民不為感動者未之有也

李自成陷潞安藩世子

年六十被執偽將見其幼所佩

大金錢文為大順永昌也試諸生分騎趨懷慶彰德傳檄曰上帝鑒視實惟求莫下民歸往祇切來蘓命既靡常情无可見粵惟被代爰徵得失之由鑑往識今每知治忽之故茲爾明朝久席泰寧浸弛綱紀君非甚黯孤立而煬蔽恒多臣盡行私比黨而公忠絕少賄通官府朝端之威福日移利擅宗

紳間左之脂膏殆盡肆昊天幸窮乎仁愛致兆民爰苦於灾
侵朕起布衣目擊憔悴之形身切痾瘵之痛念茲普天率土
咸罹困窮詎意易水燕山未甦湯火躬於恒冀綏靖黔黎猶
慮爾君若臣未達帝心固喻朕意是以質言正告爾能體天
念祖度德審機朕嘉惠前人不吝異數如祀如宗饗祀永延
用彰爾之孝有室有家民人胥慶用彰爾之仁凡茲百工勉
保乃群綿裔孫之後祿膺嘉客之休聲克殫厥猷匡誼靡忒
惟令詔布允布腹心君其念哉固怨恫于宗工勿陷危於臣
庶臣其慎哉尚效忠于君父廣貽教于身家

癸酉

甲戌寇前鋒至大安驛兵部尚書張縉彥請令督輔李建泰綢

繆布置臨清德通天津昌平密雲六鎮俱聽調遣時建泰在河間遭延不進。偽吏分遣於山西河南北直舊令多逃輒為土人拘留苦之或面受代又流謠曰吃著不盡有闖王不當差不納糧遠近聞之人人延頸思亂矣。封以海為魯王乙亥諭部院曰寇氛下晉畿內輔戒嚴固圉安民全在察吏該按屬官嚴加甄別必清謹循良素為民戴方許留任責令募練鄉勇突脩城守如貪殘闖况今解任另行推補。宋權為右僉都御史巡撫密雲。李自成至忻州官民迎行降遂攻代州五臺知縣文運溥迎降搃兵周遇吉守代州出奇奮擊累旬日殺賊萬餘自成合諸路兵進攻遇吉兵少食盡退守寧武閔摺師曰盈三黃河水諸將望風奔潰既不能守又不

能戰國家何賴此武臣為與貢士崔夢潮率精率數百人且
守且戰。寇陷懷慶。命勸貸文武諸臣限五日戶部上文
武納銀馳封事例

丙子戶科給事中介松年上言士節不振廉耻風微倡逃迎降
出自士紳深可痛憤亟宜崇獎節烈以收拾人心上是之。
戶部右侍郎王鰲永屢疏請纓士以始鼓鑄未元。吏科給
事中馬嘉植言皇上亦知孫傅庭債事之因乎守關原自有
餘大言一鼓蕩平僥倖為之是以進退失據今不戒覆轍而
空拳徒膺萬一太原與揚淮俱震則為禍愈激非知彼知已
之算也臺臣陳升衷借兵土司之說尤宜商榷以數世豢養
之兵尚不能必其用命而向蠻夷責大義亦難矣况不能裹

糧影從則搜括不加倍乎百姓見兵過握手閉戶狼兵一來
保無驚疑乎兩粵之間又增多事矣

丁丑寇抵故園分趨真定保定

館

戊寅李建泰兵過東光不戢士民閉城拒守建泰怒留攻三日
破之

己卯太康伯張國維紀助餉萬金命進爵為侯

庚辰大寒。上始聞山西全陷命跡訪諸王。命太監閻國輔
等分餉薊遼。諭吏兵二部曰豫楚殘破郡縣料理需人各
撫按悉聽目選吏更置不拘科目雜流生員布衣但才能應
變品行服人即與填用有能倡義募兵恢復一州即授一州
復一縣即授一縣功懋三賞決不少靳一應練兵安民理財

之事俱聽撫按同所屬便宜舉行朕不中制。命內臣監制各鎮太監高起潛提監閩薊寧遠盧惟寧提監通德臨津方化正總監真定保定杜勳總監宣府王夢弼監視順德彰德閔思印監視大名廣平牛文炳監視衛輝懷慶楊茂林監視大同李宗先監視薊鎮中協張澤民監視西協又孫良弼守河間于朝守滄州楊開泰守霸州並屬靈惟寧兵部奏各處物力不繼而事紛拏反使督撫藉口上不聽

侯方域曰太祖之制內侍數人給洒掃而已不使識字也故迄於宣宗不受其禍浸假而有五振之事又有汪直之事至劉瑾而極凶豎魏忠賢而橫矣天子手自誅鋤孰知其惡豈不戒前車之轍歟蓋輕其為薰刑之餘以為其惡不

能有為姑使察天下之情偽一旦得罪雖勢如函豎而我
能立除之無難也竊以為不然夫人見虎則卽然閉門而
拒之惟恐不速見鼠則恬不為怪究之墮垣穴墻不出於
虎而出於鼠者豈鼠之力有加于虎哉患成於所忽而卒
然難防也故天下常有不測之事弊釀於庸主者易反而
偏中於英主者難回也

圖

鄒滕盜起

辛巳命太監王坤督鹽兩淮兵料右給事韓中如愈催餉江西
浙江并改折贖如愈至東昌劉澤清陰遣盜殺於車上猶
曰爾何為論我劉將軍耶。通州兵噪傷巡撫楊鷄。上章
自劾乞罷上以楊鷄實心任事豈因其噪輒易賜藥金三十

任并真定留真定知府丘茂華領勇家出成總督兵部

壬午真定陷真定知府丘茂華預携家出城總督兵部尚書郎古侍
徐標下之獄中軍官不聽同標登城畫守禦劫標城外殺之
出茂華茂華遂檄屬縣豫暭叛待寇數日賊至數騎入城收
帑籍近京三百里京師無聞也標字準明濟寧人天啟乙丑
進士宏光初贈兵部尚書祀旌忠祠。蠲開封歸德河南田
租三年。大監杜勳請前都督黑雲龍效用宣府從之

癸未

甲申兵部尚書張縉彥魚學士從其請也寇至彰德趙王常泮
降。劉澤清請採礦青登萊諸山下巡按御史議之陝西總
督李化熙監軍御史霍達會澤清兵於小灘丁酉合營上臨
清

乙酉進魏藻德禮部尚書兼工部尚書文淵閣大學士總督河

道屯練往天津進方岳貢戶部尚書兼工部尚書文淵閣大

學士總督漕運屯練往濟寧時曰日講官左諭德楊士聰宣

慰襄王奉手詔勅諭左良玉入援會藻德出治師請以士聰

收山東義勇未及行禮部言桂王憲王走粵命遣官賫璽書

慰問。遼東巡撫黎玉田進右都御史。兵部請採江巡撫

分任水陸鳳淮二督應援江干吳淞狼山各將犄角其衿紳

各練鄉兵從之。戶部尚書倪元璐解任歸詹事府專日講

丙戌召大學士陳演總督京營襄城伯李國楨刑科給事中光

時亨於中左門。始命詹事翰林四員侍名對

丁亥詔徵天下兵勤王命府部大臣各條戰守事宜上候於文

華殿各札入左都御史李邦華少詹事項煜右庶子李明睿
各言南遷南東宮監撫南京上驟覽之怒甚曰諸臣所言者
謂何稍問色漸平亦以寇氛日劇言或可採也而竟中寢吏
科都給事中吳麟徵請弃山海關外寧遠前屯二城徙吳三
桂入關屯宿近郊以衛京師三桂忠勇可倚以辦寇廷臣皆
以弃地非策不敢主其議

圖

楊士驄曰上初意不在南遷故驟聞而駭怒既而思賊勢
披猖則以為可備一說故不復介意耳邦華等未嘗具疏
亦未嘗奉有明旨他人何由而沮之坊刻本皆稱光時亨
沮之厥後爰書以此而成時亨以此被誅如時亨者一為
賊官一為魯官死不枉為矣乃必坐以諫止南遷無論邦

華等無疏可據假使有之先帝果意在必行豈一給事中所能沮乎

談遷曰南遷之議正統末于司馬力斥其妄在今日恨聽之不早然狂寇滔天人心恒擾即幸而南也中道變生徒取困敗惟東宮出鎮庶合靈武之事策為最正上猶加威海內抑知狼狽噉人事不容少需耶

御史李瑞和劾兩淮督巡鹽御史馮垣登匿課七萬八千金有奇。前陝西總督余應桂奏賊衆號百萬匪天下全力注之不
可天下鎮將河南左良玉閩東吳三桂並高傑唐通周遇吉
黃得功曹有義馬科張天祿馬岱劉澤清土國寶劉良佐葛
汝芝及副將丘磊惠登相王光恩孔希賢金守亮等合之赴

軍前真保之間督撫外加一督師如史可法王永吉其遜也
賜以尚方懸公侯之賞以鼓勵之庶賊可滅也。張猷忠陷
巫山縣前巡撫陳士奇未離四川謂奸商掠鹽不之援猷忠
連陷夔州雲陽至萬縣之小江

戊子大學士陳演乞休許之賜金幣始上憂秦寇演謂無足慮
至是不自安求去。魏藻德辭新銜許之有北人言各官不
可出：即潛遁遂止藻德等不遣。吳履中為戶部左侍郎
署部事。前巡撫河南右僉都御史秦所式遽解任奪官摠
督豫楚兵部右侍郎兼右僉都御史汪濬弛程克為事官是
月癸未濬至長垣縣南関被寇執。寧武関陷寇薄寧武関
傳檄五日不下且屠矣總兵周遇吉悉力拒守大砲擊賊斃

萬餘人會火藥盡或言賊勢重可款也遇吉戰三日殺賊且
若萬若輩何怯耶能勝之一軍盡為忠義萬一不勝縛我以
獻若輩可無恙於是開門奮擊殺賊千人賊懼欲退或曰我
眾彼寡但使主客分別以十擊一我亦不勝矣請去帽為識見
戴帽者擊之遁出戰不二日可殲也賊引兵復進迭戰脫帽
以自別官兵大敗遇吉闔室自焚揮短刀力闔被流矢牙兵
見執且盡罵賊縛於市磔之遂屠寧武嬰穉不遺李自成既
殺遇吉歎曰閔將盡周氏也者吾安得至此遇吉字萃菴世
錦衣衛指揮僉事歷總兵太子少保右都督宏光初贈太子
保謚忠武。李自成遣劉宗敏李過攻大同城陷代王傅齋
闔家遇害初兵民皆欲降城守不應總兵朱三樂自刎巡撫

大同右僉都御史衛景瑗督理糧儲戶部郎中分徐有聲分
巡道朱家仕俱死之知府董復降景瑗字仲吉韓城人天啟
乙丑進士城陷李自成居代王府擁景瑗至慰問不屈偽校
尉脅去入僧舍夜自經宏光初贈兵部尚書謚忠毅徐有敬
字聞復金壇人崇禎乙亥拔貢宏光朝贈太僕寺卿朱家仕
河縣人戊辰進士寬平慈和善題咏城陷或勸其逸不聽亟
驅妻妾子女入井身從之又大同庠生李若葵闔家九人自
縊先題曰一門完節李自成入大同

浙
缺

上曰朕宮中皆知之卿何諱也曰臣未見塘報上曰彼城已破誰設塘報且卿獨不為遠偵乎曰偵騎須工食臣部無一緡安得偵騎今日之事惟陛下命之上推案而起

浙江圖書館



浙江圖書館



浙江圖書館



浙江圖書館

浙江圖書館紅善本

005934

一九八二年



浙江圖書館




浙江圖書館

浙江圖書館善本

甲 登記號：005034


一九 年 月 日



Blue Cyan Green Yellow Red Magenta White 3/Color Black
© The Tiffen Company, 2007

TIFFEN Color Control Patches

Centimetres





Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black